

BOLETÍN INFORMATIVO

EVENTOS APE GALICIA:

- Xornada do Traballo Autónomo da Comarca de Vigo.
- Xornada formativa sobre Lei Orgánica de Protección de Datos.

AXUDAS E SUBVENCIÓNS:

- Implantacións de Plans de Igualdade.
- Producións Audiovisuais.

1. **XORNADA DO TRABALLO AUTÓNOMO DA COMARCA DE VIGO:**

O pasado 02 de Maio, ás 19:30, celebrouse no Auditorio da Xunta de Galicia, Praza da Estrela, Vigo, unha Xornada Formativa para traballadores Autónomos da Comarca de Vigo, en colaboración coa Deputación de Pontevedra.

Para este evento contamos coa asistencia de cargos da Administración coma Dona Lucía Molares, Delegada da Xunta de Galicia en Vigo e con D. José Manuel Figueroa Vila, Vicepresidente da Deputación de Pontevedra, que xunto con D. José Luís Acuña Trabazos, Presidente de APE Galicia, alabaron este tipo de iniciativas resaltando a importancia que a continua formación ten para o colectivo dos autónomos, en concreto nos temas que nesta xornada se trataron.

Para as ponencias contamos con relatores excepcionais:

- A primeira ponencia, denominada "A Lei Concursal", correu a cargo do Ilmo. Sr. D. Francisco Javier Menéndez, Presidente da Audiencia Provincial de Pontevedra, ó que acompañou D. Enrique De la Torre Rodríguez, reputado avogado mercantilista.



De esquerda a dereita: D. Enrique de la Torre Rodríguez, e o Ilmo. Sr. D. Francisco Javier Menéndez.

- O tema da segunda ponencia versaba sobre un tema de tanta actualidade como é a Reforma Laboral, a cargo do Ilmo. Sr. D. Germán Serrano Espinosa, Maxistrado Xuíz Decano dos Xulgado de Vigo, que estivo acompañado por D. José Manuel Fernández Alvariño, Avogado e Presidente da Confederación de Empresarios da Provincia de Pontevedra.



De esquerda a dereita: D. José Manuel Fernández Alvariño, e Ilmo. Sr. D. Germán Serrano Espinosa.

Ó remate das mesmas, abriuse unha rolda de preguntas e debate, onde os asistentes expuxeron as súas dúbihadas e comentarios sobre os temas tratados.



2. XORNADA FORMATIVA SOBRE A LEI ORGÁNICA DE PROTECCIÓN DE DATOS PERSOAIS:

O pasado 25 de Maio, ás 21:00 horas, celebrouse na sede de Fecimo unha Xornada formativa para traballadores autónomos sobre a importancia da correcta protección de datos de carácter persoal na empresa, coa colaboración de APE-Galicia.



A ponencia foi impartida por D. Álvaro Gómez Vieites, Doutor en Economía e Administración de Empresas, Enxeñeiro de Telecomunicación pola Universidade de Vigo, e profesor da escola de negocios Nova Caixa Galicia, entre outras.

Nesta foto, de esquerda a dereita: D. José Luís Acuña Trabazos, Presidente de APE-Galicia, D. Xosé Bangueses García, Presidente de Fecimo, e D. Álvaro Gómez Vieites.

Os asistentes á xornada tiveron oportunidade de aclarar as súas dúbidas con respecto ós datos persoais contidos en nóminas, ficheiros de provedores, clientes, etc... que garantan a correcta utilización dos mesmos para evitar posibles sancións da Axencia Española de Protección de Datos.



Nesta foto, detalle do público asistente.

3. AXUDAS E SUBVENCIÓNS:

A. AXUDAS PARA A IMPLANTACIÓN DE PLANS DE IGUALDADE:

Obxecto: convocatoria de axudas destinadas a pequenas e medianas empresas e entidades de entre 30 e 250 traballadoras e traballadores que elaboren e implanten plans de igualdade para o fomento da igualdade efectiva de mulleres e homes

Beneficiarios: as empresas, sociedades cooperativas, comunidades de bens, asociacións e fundacións de entre 30 e 250 traballadoras e traballadores que, no ámbito das relacións laborais, adopten un plan de igualdade tendente a alcanzar na súa organización a igualdade de trato e oportunidades entre mulleres e homes e a eliminar a discriminación por razón de sexo

Prazo de presentación de solicitudes: ata o 20/06/2011

Máis información: [Axudas á pequena e mediana empresa e outras entidades para a elaboración e implantación de plans de igualdade](#). Ministerio de Sanidade, Política Social e Igualdade.

B. SUBVENCIÓN PARA PRODUCCIÓN OU COPRODUCCIÓN AUDIOVISUAIS

Obxectivo: subvencións para apoiar producións ou coproducións audiovisuais en lingua galega a través dos seguintes tipos de proxectos: longametraxes e longametraxes documentais

Beneficiarios: as persoas físicas ou xurídicas, constituídas como produtoras audiovisuais independentes, domiciliadas polo menos por un ano, previo á data de finalización de presentación de solicitudes desta convocatoria, na Comunidade Autónoma de Galicia ou nun Estado membro da UE ou que forme parte do acordo que establece a Área Económica Europea e que teñan sede efectiva da súa actividade, sucursal ou oficina permanente na Comunidade Autónoma de Galicia



Prazo de presentación de solicitudes: ata o 30/06/2011

AXENCIA GALEGA DAS INDUSTRIAS CULTURAIS: [Subvencións para producións ou coproducións audiovisuais en lingua galega con decidido contido artístico e cultural](#)